



Ofisina Sentral di Statistik

WTC, Piscaderabay z/n

Tel: 839 2300

E-mail: info@cbs.cw

www.cbs.cw

Fb: cbscur

KOMUNIKADO PA PRENSA

Willemstad, 2 di òktober 2017

Mas ku mitar di kasnan na Kòrsou no tin internèt pa motibu di gastu haltu di internet

Ofisina Sentral di Statistik (CBS) Kòrsou ta presentá di e forma aki e resultadonan di Enkuesta di ICT & Media. E enkuesta aki ta midi kon leu e kasnan di famia i personanan na Kòrsou ta usa i tin aksesu na Teknologia di Informashon i Komunikashon. E enkuesta a kuminsa na aprel 2017 i a terminá na yùni. E di dos meta di e enkuesta aki ta pa kompará Kòrsou ku otro paisnan internashonalmente riba e tereno di teknologia, e asina yamá IDI (ICT Development Index).

Promé resultadonan:

ICT

ICT Development Index (IDI) di Kòrsou ta 6.93. Kòrsou ta riba e lista internashonalmente den top 50. Den regio Kòrsou ta na di tres lugá (St.Kits & Nevis 7.21 i Barbados 7.18). Pa mas informashon di IDI internashonalmente por bishitá e website www.itu.int

Den e delaster tres lunanan, 69.7% di e poblashon a hasi uso di un kòmputer. E tres aktividatnan ku mas ta hasi uso di dje riba un kòmputer ta manda email i dokumento attach, kopia i plak informashon den un dokumento, kopia un folder

Na 2011 53,1% di e kasnan di famia na Kòrsou tin internèt. Awor na 2017 64.5% di e kasnan di famia na Kòrsou tin internèt. 51.3% di e kasnan di famia a indiká ku e motibu di kon nan no tin internèt ta e gastu haltu di internèt ku tin.

MEDIA

Pa loke ta uso di media, e poblashon di Kòrsou (6 aña i mas grandi) 68% ta tende radio, 84.7% ta wak televishon i 54.4% ta lesa kòrant. No tin masha variashon si nos wak e sifranan aki pa sekso pero e variashon ta bini ku edat. Hobennan ta skucha menos radio ku personanan di 25 aña of mas. Esaki ta mesun kos pa korant pero na televishon tin mas hoben ta wak televishon ku personanan di edat.

Medionan sosial tambe ta popular, ku un uso di 70.3%. E medionan sosial mas popular ta Whatsapp i Facebook. Esaki ta wòrdu usa pa keda den kontakto ku famia i amigunan. Di e 30 porshento ku no ta usa medionan sosial, e motibu ta ku nan no ta gusta e tipo di kontaktonan aki.

Partisipashon di e poblashon na un media ta abou. Pero ora ku partisipá, e forma mas usá ta yama i partisipa den programanan na radio.

Por último

Riba e página inisial di wèpsait di CBS (www.cbs.cw), tin mas informashon (den forma di tabèl) di e prome resultadonan disponibel. Mas den kabamentu di 2017 lo tin un publikashon mas ekstenso di e resultadonan di e enkuesta akí.

CBS ta gradisí tur e kasnan di famia ku a kontribuí na éksito di e enkuesta akí.

////////////////////////////////////